



Broj/Број: 01/2a-50-1-2-46/09  
Sarajevo/Сарајево, 25. 6. 2009.

**ZAPISNIK**  
**46. sjednice Komisije za vanjske poslove**  
**Predstavničkog doma Parlamentarne skupštine BiH,**  
**održane 24. 6. 2009.**

Sjednica Komisije počela je u 9, 30 sati. Sjednici su prisustvovali: Slavko Matić, Husein Nanić, Sadik Ahmetović, Azra Alajbegović, Denis Bećirović i Sefer Halilović.

Osim članova Komisije, sjednici su prisustvovali pozvani gosti: Zoran Perković iz Ministarstva vanjskih poslova BiH i Samir Rizvo iz Ministarstva sigurnosti BiH.

Zapisnik je vodio Miroslav Stanišić, stručni suradnik u Komisiji za vanjske poslove.

Za 46. sjednicu Komisije za vanjske poslove jednoglasno je usvojen sljedeći

**DNEVNI RED**

1. Usvajanje Zapisnika 45. sjednice Komisije;
2. Davanje mišljenja o saglasnosti za ratificiranje:
  - a) Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala (resorno ministarstvo: Ministarstvo sigurnosti BiH);
3. Izvještaji i materijali pristigli Komisiji:
  - Ratifikacija Sporazuma o stabilizaciji i pridruživanju u zemljama članicama EU (materijal MVP-a, za informaciju);
  - Zabilješka sa sastanka Komisije za vanjske poslove Predstavničkog doma Parlamentarne skupštine BiH s Dragoljubom Ljepojom, novoimenovanim ambasadorom Bosne i Hercegovine u Republici Turskoj, održanog 27.5. 2009.;
  - Izvještaj o posjeti Komisije za vanjske poslove Predstavničkog doma Parlamentarne skupštine BiH Republici Estoniji, 18. i 19. maj 2009., za informaciju;
  - Parlamentarna saradnja BiH i Maroka (materijal MVP-a, za informaciju);
  - Sastanak Vijeća EU za opće poslove i vanjske odnose, 18. i 19. 5. 2009., u Briselu, (materijal MVP-a, za informaciju);
  - Izvještaj o posjeti delegacije Komisije za ostvarivanje ravnopravnosti spolova Parlamentu Češke Republike;
4. Tekuća pitanja;

**Ad. 1. Usvajanje Zapisnika 45. sjednice Komisije**

Nije bilo primjedbi te su članovi Komisije jednoglasno usvojili Zapisnik 45. sjednice Komisije za vanjske poslove.

**Ad. 2. a) Davanje mišljenja o saglasnosti za ratificiranje Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala**

Samir Rizvo iz Ministarstva sigurnosti BiH kazao je da je ovaj sporazum rađen u paketu s još dva sporazuma s Albanijom, sporazumima o readmisiji i ukidanju viznog režima. Ovaj sporazum bio je jedan od uslova da bi ostala dva sporazuma mogla biti zaključena i provedena. Sam sadržaj sporazuma je standardiziran i onakav kakav se radi s većinom zemalja u susjedstvu i u Evropi. Sporazum pokriva sve oblike saradnje koji se mogu ostvariti u predmetu sporazuma, od razmjene informacija do razmjene iskustava i znanja.

Nije bilo rasprave te su članovi Komisije jednoglasno dali pozitivno mišljenje Predstavničkom domu u vezi s ratifikacijom ovog sporazuma.

**Ad. 3. Izvještaji i materijali pristigli Komisiji:**

- Ratifikacija Sporazuma o stabilizaciji i pridruživanju u zemljama članicama EU (materijal MVP-a, za informaciju);
- Zabilješka sa sastanka Komisije za vanjske poslove Predstavničkog doma Parlamentarne skupštine BiH s Dragoljubom Ljepojom, novoimenovanim ambasadorom Bosne i Hercegovine u Republici Turskoj, održanog 27.5. 2009.;
- Izvještaj o posjeti Komisije za vanjske poslove Predstavničkog doma Parlamentarne skupštine BiH Republici Estoniji, 18. i 19. maj 2009. , za informaciju;
- Parlamentarna saradnja BiH i Maroka (materijal MVP-a, za informaciju);
- Sastanak Vijeća EU za opće poslove i vanjske odnose, 18. i 19. 5. 2009., u Briselu, (materijal MVP-a, za informaciju);
- Izvještaj o posjeti delegacije Komisije za ostvarivanje ravnopravnosti spolova Parlamentu Češke Republike.

Članovi Komisije primili su k znanju informacije i izvještaje.

**Ad. 4. Tekuća pitanja**

Članovi Komisije upoznati su s pozivom na konferenciju o temi: „**Prijem u NATO: uloga organa vlasti i civilnog društva**“, koja će biti održana 1.7. 2009., u Domu Oružanih snaga BiH u Sarajevu.

Sjednica je završena u 9, 45 sati.

Zapisnik sastavio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući Komisije

Slavko Matić

Kopija: MVP-u BiH